

Ár 2010, fimmtudaginn 6. maí kl. 17:00 kom bæjarráð saman til fundar á skrifstofu bæjarins. Mættir voru: Guðmundur Þór Guðjónsson, Unnur Þormóðsdóttir og Herdís Þórðardóttir.

Ennfremur sátu fundinn Aldís Hafsteinsdóttir, bæjarstjóri og Helga Kristjánsdóttir, skrifstofustjóri sem ritaði fundargerð í tölvu.

Guðmundur Þór Guðjónsson, formaður, setti fund og stjórnaði.

Leitaði hann eftir athugasemdum við fundarboð en engar komu fram.

Eftirfarandi fært til bókar:

1. **Bréf sem borist hafa frá:**

1.1. **Starfsendurhæfingu Suðurlands frá 29. apríl 2010.**

Í bréfinu er boðað til ársfundar Birtu - Starfsendurhæfingar Suðurlands sem halda á mánudaginn 10. maí n.k.

Bæjarráð samþykkir að bæjarstjóri verði fulltrúi sveitarfélagsins á fundinum.

1.2. **Sýslumanninum á Selfossi frá 3. maí 2010.**

Í bréfinu er óskað eftir umsögn Hveragerðisbæjar vegna umsóknar Almars Þórs Þorgeirssonar um breytingu á veitingaleyfi.

Bæjarráð gerir ekki athugasemdir varðandi umsókn Almars Þórs Þorgeirssonar kt. 180674-3819 f.h. Al-Baksturs ehf um breytingu á veitingaleyfi úr flokki I í flokk II.

Bæði opnunartími og staðsetning staðarins er innan þeirra marka sem reglur og skipulag sveitarfélagsins kveður á um.

1.3. **Knattspyrnudeild Hamars frá 3. maí 2010.**

Í bréfinu óskar Knattspyrnudeild Hamars eftir fjárhagslegri aðstoð Hveragerðisbæjar vegna leigu á æfingaaðstöðu til handa deildum félagsins vegna pláss- og aðstöðuleysir í Hveragerði.

Bæjarráð samþykkir að styrkja Knattspyrnudeildina um 300 þúsund vegna mikils kostnaðar sem deildin hefur orðið fyrir í vetur þar sem vel flestar æfingar meistaraflokks hafa þurft að fara fram á leigðum völlum utan sveitarfélagsins. Fyrir liggur álit formanns Hamars á þessari beiðni en bæjarráð ítrekar að framvegis skulu erindi sem þetta berast í gegnum aðalstjórn Hamars í samræmi við samning milli Hveragerðisbæjar og íþróttafélagsins Hamars.

2. **Fjárhagsleg verkefni:**

2.1. **Dómur Hæstaréttar vegna gatnagerðargjalda frá 30. apríl 2010.**

Lagður fram dómur hæstaréttar í máli Frjálsa fjárfestingabankans hf gegn Hveragerðisbæ.

Lagt fram til kynningar og bæjarstjóra falið að leggja fram breyttar vinnureglur vegna innheimtu gatnagerðargjalda að höfðu samráði við lögmenn Sambands íslenskra sveitarfélaga.

**3. Almannaþingin:**

- 3.1. **Hættumat og áhættugreining Almannaþingar Árnessýslu.**  
Hættumat og áhættugreining Almannaþingar Árnessýslu lagt fram en Héraðsnefnd Árnessýslu hefur þegar samþykkt umrædda skýrslu og slíkt hið sama hefur stjórn Almannaþingar Árnessýslu gert á fundi sínum í vikunni.  
Lagt fram til kynningar.

**4. Verkfundargerðir:**

- 4.1. **Sundlaugin í Laugaskarði - viðgerð og málun á laugarkeri frá 30. apríl og 4. maí 2010.**  
Jafnframt lögð fram fundargerð frá opnun tilboða í verkið sem fór fram 1. mars 2010. Tvö tilboð bárust og var Múrþjónusta Helga lægstbjóðandi. Verkið er unnið í samvinnu við Viðlagatryggingu þar sem um framkvæmd vegna jarðskjálftatjóns er að ræða.  
Fundargerðirnar samþykktar.

Fundargerð upp lesin og samþykkt.  
Fleira ekki gert og fundi slitið kl 17:30

Guðmundur Þór Guðjónsson, (sign)

Herdís Þórðardóttir, (sign.)

Unnur Þormóðsdóttir, (sign)

Aldís Hafsteinsdóttir, (sign)

Helga Kristjánsdóttir, (sign)